



ЛЕНИНЭНЬ КИЯВА

1941 ие
ИЮНЕНЬ
13-це чи
65 (1361) №

ЛИСИ: 11-це но,
12 № ково

ВЛКСМ-нь Мордовской обкомонть ды Саранск ошонь комитетэнь газетаст

Комсомолс примамось ды од комсомолетнэнь марто работась

ВЛКСМ-нь ЦК-нь XI-це пленумдонть мейле пек кассь Ленинско-Сталинской комсомолось. ВЛКСМ-нь рядтнэс примазь сех вадра, проверенной од ломатне, конат педес преданнойт Ленинэнь—Сталинэнь великой теветень. Покшолгавтозь вишкине комсомольской организациятне ды организоваз од организацият. Комсомолс примазь ламо од тейтерть ды тейтерь-ават, конат ловить социалистической производствань ды велень хозяйствань стахановецке. Темниковской районсо ансяк май ковсто примазь ВЛКСМ-нь рядтнэс 60 ломань, ды весе эйстэст тейтерть, Чамзинской районсо майста комсомолс оовасть 19 тейтерь.

Нетъ успештне теезь аволь союзной од ломатнень марто роботанть вадрагавтозь. ВЛКСМ-нь ламо райкомт маштызь волокитанть, кона икеле ульнесь комсомолс примамсто заявленианть ванномасонть. Кадозь зыянов практикась—ВЛКСМ-нь рядтнэс примамонть формальной подходось. Комсомолс совпясь проверави тевсэ достойной ли сон улемс од ломатнень коммунистической союзсонть.

Но эрви меремс, што а весе райкомтне вадрасто аравтызь теветень ВЛКСМ-нь рядтнэс примамонть коряс. Кадозькинской районсо 1940 иень сентябрюсто сазь 1941-це иень майс 37 организация эзь касо овси, сынт эйстэ 20 колхознойт. ВЛКСМ-нь райкомось лиястотейни волокита комсомолс совпятиненъ заявлениаст ванномасонть. Примерке, Кульчихин ялгась примазель комсомолс 8 ковоны ютазь седе мейле, зардо сон макссь заявления ды анкета. ВЛКСМ-нь рядтнэс те районсонть сеетстэ совить истят одломать, конат атак провера практической работасо. Беряньстэ моли комсомолс примамонть марто тевсэ Зубово-Полянской районсо (ВЛКСМ-нь райкомонь секретаресь Кондратьев ялгась). Май ковсто тесэ весемезэ примазь ансяк 8 ломать, а комсомолсто панезь 31 ломань.

Мейсэ толковавить весе истят фактне? Васняк сеньсэ, што нетъ райкомтне ды ламо первичной организациятне а роботыть аволь союзной од ломатнень марто.

ВЛКСМ-нь Теньгушевской райкомось комсомолс примамонть теи «экзаменакс». Райкомонь бюросо комсомолс совпятиненъ макснить истят вопроств, конатненъ сынськак, вопроств максницятне, вадрасто а содасызь. Секс самай ламо аволь союзной од ломать саптитишканть ВЛКСМ-нь ряде совамосонть.

Но башка комсомольской организациятнень а касомась толковави аволь ансяк нетъ причинатнень эйсэ. Тесэ покш причинаке эрви ловомс одс примазтнень марто лавшо роботанть. Кой-кона райкомтнень ды горкомтнень роботасост лиснесь истятю тев. Комсомолс примамодо икеле од ломатнень марто ветить политической ды культурной работа, кодак ансяк примасызь сынт ВЛКСМ-нь рядтнэс—овси стувтсызь. Самай секс лиснить случайть, зардо одс примазь комсомолетнэ колтыть комсомольской уставонть, мезень кис эрсить курук панезь комсомолсто. ВЛКСМ-нь Рузаевской горкомось аволь умок 16 ломань панезь комсомолсто, 7 эйстэст—одс примазь. Лямбирской райкомось ВЛКСМ-нь рядето панезь 5 ломать, конатне комсомолс примазель а умок.

ВЛКСМ-нь райкомтненень ды первичной организациятненень зардоак а эрви стувтнемс одс примазтнень марто роботанть. Кармавтомс од комсомолетнэнь эсь идейно-политической уровенест кепедемс, добовамс сень, штобу эрва комсомолетнэс улевель производствань стахановецке. Тень кис эрви кеместэ скулмамс внутрисюзной роботанть комсомолетнэнь производственной роботаст марто.

Ней, зардо масторось весе вийсэ борони ВКП(б)-нь XVIII-це конференциянь решенианть топавтомаст кис, пачтамс эрва одс примазень сознанияс, што сонензэ эрви улемс ревностной борониксэ трудонь сэрй производительностень, производствасо ваньксичить ды культуранть ды сырьень экономиянть кис. Ды ансяк се одс примазесь оправдаст Ленинско-Сталинской комсомолонь членэнь лементь, ки теи вадра теветь минек социалистической Родинанть лезэс.

СООБЩЕНИЯ

СССР-нть ды Япониянть ютксо Торговой Соглашениянь ды товарооборотто ды платежтнеде Соглашениянь проектэнь сёрмадомандзо

ССР-нь Союзонть ды Япониянть ютксо торговой Соглашениянть, истя жо товарооборотто ды платежтнеде Соглашениянть теемань цельтнесэ, те иень февралень 17-це чистэ сазь СССР-нь Внешней торговлян Народнои Комиссаронть Микоян ялганть ды СССР-сэ

Японской Посолонть Татекава господинанть ютксо мольсть переговоры, конат парсте ютасть кавто ёндо уступка марто. Те иень июнень 11-це чистэ сын сёрмадызь вере невтезь кавто Соглашениянть проектэнь.

Сокить парина

Дубенка. Антоновка велень «Красный Октябрь» колхозось—1940 иень велень хозяйствань Всесоюзной выставкань участникесь еще маень 20-це чистэ прыдызе тунда видеманть.

Прядомодо мейле колхозось ушодсь паринань сокамс.

Тедиде колхозонть видема площадкезэ седе покшолгады. Меельсь читнестэ тесэ соказы 26 гектар целина, кона ламо иеть кодамояк лезэ колхозонть эзь макснэ.

С. Кузнецов.

Вандыде мейле профсоюзно-комсомольской КРОССОСЬ!



Кавто чить кадовсть профсоюзно-комсомольской кроссонть ушодовмантень. Вандыде мейле ламо сидот од цёрат ды тейтерть лисить кроссонть стартс. Сынъ невтьсызь эсест ловкостест, выносливостест, коть кодамо препятствиянь трокс ютамонь эсь анокчист.

Тренировкат эрсить эрва чистэ

Июнень 10-це чистэ ВЛКСМ-нь Дубенской райкомось ютавьсь райцентрань комсомольской активень совещания. Совещаниясонть толковазель вопроств профсоюзно-комсомольской кроссонть ютавтомадо. Комсомолетнэ макссть питней практической предложениаст те вопроствонть коряс.

Сексе жо, совещаниядонть мейле, малав эрва комсомольской организациясонть ульнесть размеченнойт дистанцият 100, 1000 ды 3000 метрань

тарка. Райцентрасонть эрва чистэ эрсить тренировкат, конатнесэ прими участия комсомольской активесь.

Свиносовхозсо, косо ВЛКСМ-нь комитетэнь секретарекс работы Леонидов ялгась, июнень 8-це чистэ ульнесть тренировка. Тренировкас сакшнось 18 комсомолет. Тренировкат эрва чистэ эрсить лия организациявань.

З. Фадеекин,
ВЛКСМ-нь райкомонь секретарь.

Стартс лисить весе комсомолетнэ

«Общепитань» комсомольской организациясонть комсомолетнэде лововить 26, ды эрвась эйстэст прими активной участия профсоюзно-комсомольской кроссонть анокстамос. Тренировкас пурнавкшныть весе, теке вейке ломань. Комсомолетнэ, сех вадра физкультурниктне Клавдия Рогалева, Тая Саушева, Маня Анискина ды Саша Малойкин ветить агитационно-массо-

вой работа профсоюзонь члентнэнь ютксо сень кис, штобу седе ламо ломань примаволь участия профсоюзно-комсомольской кроссонть. Сынт эйстэ саить пример профсоюзонь члентэ А. Бодров, С. Буртаев, В. Потапов ды Н. Кучумова ялгатне.

А. Болотин.
Саранск.

Сынъ анокстыть эрва чистэ

Наркомобесэнь комсомольской организациясь чиде-чис аноксты чийнемань коряс профсоюзно-комсомольской кроссонть, конаньсэ кармить участвовать ВЛКСМ-нь весе 20 члентэ ды аволь союзной 20 од ломань. Сынт эйстэ сех ламотне глухонемойт.

Сетне, конат роботыть валцкень сменасо, кроссонть анокстыть чокшнэ. А конат роботыть чокшнень сменасо, анокстамонть ютавтити валцке марто. Болмоксэ ютавтозельт комсомолет-

тнэнь ды од ломатнень собраният, ко-со толковазель кроссонть значениязо. Глухонемойтнень клубсонть невтити специальной фильмаст спортивной занятиянть.

Анокстыть ГТО-нь I-це ды II-це ступенень значоконь комплекстнэнь коряс. Эрва чистэ эрсить венъсэ укиномат, мезесь лезды грудной клетканть развитиянть, те жо пек эрви чийнемань коряс кроссонь участниктненень.

В. Шапов.

Заемонть лангс сёрмацтомась минек республикасонть

Июнень 10-це чинть самс Колмоце Пятилеткань (нилеце иень поддавт) Заемонть лангс сёрмацтомась Мордовиясо пачкодсь 22 миллион 675 тыща целковойс, 1940 иень весе подписканть коряс 2 миллион 16 тыща целковойде седе ламос.

Республикань колхозникне государственнень заем макссть 4 миллион 817 тыща целковой, ютась иень подписканть коряс 1 миллион 247 тыща целковойде седе ламо, ды пандсть наличнойс 196 тыща целковой.

Саранскойсэ заемонть лангс сёрмацтомась пачкодсь бюджетнень коряс тешкестазь суммадонть ламос. Ошонь трудияне государственнень заем макссть 4 миллион 351 тыща целковой, ютась иень коряс 120 тыща целковойде седе ламо. Рузавка ошсо подпискань суммась июнень 10-це чинть ульнесь 2 миллион 212 тыща целковой.

Од заемонть лангс сёрмацтомась республиканть келес моли покш успех марто.

ВАСЕНЦЕКС СЕРМАЦТСТЬ КОМСОМОЛЕЦТНЭ

Гузынца велесэ од заемонть лангс васенцекс сёрмацтсть комсомолецтнэ ды комсомолкатне. Комсомолкас-учительница Дегтярева ялгась—300 целковойс, Рузайкина ялгась—200 целковойс, Солодовников, Четаркин ды Арбузов ялгатне сёрмацтсть 200 целковойс эрвась. Комсомолецс-колхозникс Е. Дегтярев ялгась—50 целковойс.

Комсомолецтнэнь примерэст коряс, од заемонть лангс активнасто сёрмацтыть аволь союзной од ломатнеяк. ВЛКСМ-нь члентнэнь ды од ломатнень ютксо заемс сёрмацтомась суммась июнень 3-це чистэ уш пачкодекшнесь 1.385 целковойс.

К. Солодовников.

В.-Березниковской р-н.

КОЛХОЗНОЙ ОД ЛОМАТЬ, ТОНАВТНЕДЕ РЕМЕСЛАС!

Педе нес касы колхозтнэнь общественной хозяйстваст, вадрыладь колхозной крестьянстванть материальной благосостояниязо. Колхозникне яла седеяк пек кармасть чарькодемс сень, што сыкт личной интересэст кеместэ скулмавоз артеленъ касоманзо ды кемелгадоманзо марто. Паксянь стахановецтнэ пурнакшныть зернань, эмеженъ покш урожайть, ламо потятокшныть ловцо, получакашныть ламо сывель, понайт.

Велень хозяйствань продукатнень анокстамонь ды рамсемань политикасонть изменениятнеде, трудонть кис дополнительной пандомадо партианть ды правительстванть постановленианть макссть велень хозяйствасонть трудонь производительностень кепедемань од источникть.

Ней колхозникне тевсэ неить, што велень хозяйствань производствань весе отраслатнень апак каста а кода кепедемс доходностень, теэмс рентабельнойкс хозяйстванть. Секе колхозной велетнесэ истя келейстэ кармасть тейнеме водоэмет, раштамо калт ды ведга укшныця нармуть, организовакшномо черепицань теэмань, почтонь язавтомань, столарной производстват, кармасть костнеме болотатнень.

Артеленъ эрва ёндо кастомась-ке-

Комсомолось ды од ломатнень физической воспитаньясь

Большевистской партиась ды минек правительствась, советской властенъ васень иетнестэ уш, физической культуранть ловсть государственной важностень покш текекс. Физической воспитаньянь основакс аравтозель се, штобу спортонть, гимнастиканть, налксематнень теэмс массовой истямо средствас, кона бу лездаволь трудия на-родонть анокстамс покш производительностень социалистической трудонть ды советской государстванть ванстоманть.

1925 иестэ большевистской партиань ЦК-сь Сталин ялганть непосредственной участиянзо пингстэ примась специальной постановления физической культурандонть. Те постановлениясонть тешкестазь, што физкультурась ашти аволь ансяк физической воспитаньянь, оздоровительной ды военной анокстамонь формакс, но истяжо массатнень культурно-политической воспитаньянь виев средствас.

Ленинско-Сталинской комсомолось ашти физкультурной движениянть оймекс. Сонзэ активной участиянзо пингстэ тезель «Ульть анок трудс ды СССР-нть ванстамо» (ГТО-нь) комплекссь, кона кармасть улеме советской физкультурной движениянть основакс.

Комсомолонь программасонть, кона примазь ВЛКСМ-нь X-це съездсэнь 1936 иестэ, ули специальной пункт од ломатнень физической развитиянь коряс Ленинско-Сталинской комсомолонть задачадонзо. Программасонть тешкестазь, што комсомолось од ломатнень тарги физкультуранть, бороци сень кис, штобу СССР-нть улевельть сехте вадры спортивной достижениянзо, активнасто участвует физической культурань государственной ды общественной организациянть роботасост.

Ды комсомолось аллукскак ветясь ды вети физкультурной покш работа. ВЛКСМ-нь райкомтнесэ теэзь оборонно-физкультурной комиссиянть, конат эрва чистэ руководят ды пропагандируют спортонть. Комсомолось эсь ютксо макси физической культурань инструкторонь ды организаторонь кадрат.

Физкультурниктнень рядтнесэ касыть закаленной кадрат Робоче-Крестьянской Якстере Армиянть. Физкультурник-

нень ютксо моли келей движения военной специальностнень тонавтеманть кис. ГТО-нь комплекссь шожадалгавты те задачанть решамонзо.

Комплекссь ашти кавто пелькестэ. Васенцесэнь истят физической упражненианть, конат несэ должен владеть СССР-нь эрва гражданинсь. Сынъ эрвист боевой обстановкасэ, эрва чинъ эрвасо: средней дистанцияс чийнема, соксо якамо, укшнома, леднема, препятствиянь полосава ютамо. Теде башка васенце пелькесэнь улитъ общеразвивающей гимнастической упражненианть.

ГТО-нь комплексэнь омбоце пелькесэнь улитъ истят упражненианть, конат лездыть кемекстамс ломатнень морально-волевой ды физической качествахнень ды навыктнень, конат эрвист эрва ёндо физически развитой ломанентень, штобу улеме анокке труде ды оборо-нас.

Ней весе Советской Союзонть келес моли оборонно-физкультурной работа. Чиде-чис совершенствуются советской физкультурникне ды теень сынъ невтнить аволь ансяк стадионтьсэ, но истяжо предприятиясо, колхозсо эсест стахановской роботасост.

Но а сёпови сеяк, што ламонь таркава еще беряньстэ аравтозь физкультурной роботась. Профсоюзно-комсомольской кроссонь ютавтоманть комсомольской организациятнень эрви использовать сенень, штобу икелепелев седеяк парсте аравтомс весе оборонно-физкультурной роботанть. Эрва комсомолецтнэнь эстензэ эрви свал заниматься физкультурасо, спортосо ды теенень таргамс аволь союзной од ломатненьгак. Теэмс истя, штобу физкультурась, спортось кармаволь улеме массовойкс. Комсомолецсэ должен чарькодемс сонсь ды толковамс лиятнень, што физкультурась кемексты ломаненть шумбрачинзэ, касты сонзэ роботоспособностнэ, лезды сенень, штобу улеме эсь родинанть достойной ванстыцякс.

Е. Кубис,

ВЛКСМ-нь Ковылкинской райкомсо оборонно-физкультурной комиссиянь член.



Саранской хлебокомбинатонь стахановкась К. С. Сухарникова свал вельска тогавтнй производственной заданиянзо.

Фотось К. Борисовонь.

Физкультурась ды спортось — эрва чинь тев

Вадрысто анокстыть эсь прят доблестной Робоче-Крестьянской Якстере Армиянь рядтнес Троицк велень призывникне. Штобу улеме шумбракс ды физически развитойкс, сынъ эрва чистэ занимаются физкультурасо ды спортосо.

Нетъ читнестэ 30 призывник максызь норматнень ГТО-нь 1-це ступенень значоконть лангс. Весе сынъ невтсть аволь берянь результат. Призывниксэ Крыганов ялгась ёртс граната 65 метрань тарка. Стрижков ды Тренкин ялгатне 1000 метрань тарканть чийзь 3 минутас. Призывникне маштыть кирнятнеме ды парсте содасызь гимнастической упражненианть.

Ней сынъ анокстыть профсоюзно-комсомольской кроссонть. Эрва чистэ тейнить тренировкат.

М. Логинов.

Ковылкинской р-н.

ватнень экономиянь ды трудочинть питнензэ кастамонь возможностне! Улевельть тесэ эсь мастерт, аволь саво бу леззвтеме ютавтнемс ярмакт.

Эрва велесэнь улест эсь мастерт, конат маштыть строямо общественной помещенианть, теэме мелкой инвентарь. Велень весе комсомольской организациятнень честень тевест—анокстамс эсь ютксокт плотникть ды кузнецть, столарть ды вельтият, каштомонь вачкият ды маларть, шорникть ды чакшонь теипят, бондарть ды дёготень паницят, чарынь теипят ды шивецть. Комсомолецтнэнь ды весе од ломатнень эрви тонавтнемс нетъ пек эрвикс ды почетной спениальностес. Ансяк сестэ сынъ кармист улеме аллуксонь азорокс ды лездыть общественной хозяйстванть седе бойкасто кепедеманть.

Калининской, Ярославской областень Чувашской республикань комсомольской жарья организациянть тейсть эрвикс ды леззэ инициатива, организовасть кружок од ломатнень ремеслас тонавтоманть коряс. Ремеслань тонавтемань кис движениясь сехте келейстэ моли Чувашиясо. Ансяк ськамонзо Яльчикской районсонть 52 комсомолец тедице получать кузнецнень специальносте. Бурнарской районсо Янгорчине велесэнь жарья шкань перть машинатнень витниль лия велестэ тердэзь специалист. Ней кузничной весе роботатнень тейви первичной комсомольской организациянть секретаресь Ваганин ялгась. Кеместэ кундасть тонавтнеме Аликов-

ской райононь комсомолецтнэ. Кемнилее колхозсо од ломатне тонавтнить плотничной ды кузничной теетнень, кемгавтовосо—комсомолкатне тонавтнить стамо. Лия артельтнесэ жо роботыть кирпичной производствань ды шорникень кружокт.

Сень, мезе тейнить чувашской комсомолецтнэ, могут теэмс комсомольской весе организациятне. Эрва артельсэнь улитъ условиянть хозяйстванть эрвикс мастерань анокстамонть. Комсомольской организациятнень эрви келейстэ толковамс ремеслас тонавтнеманть важностнэ, улеме те движениянть пряткокс. Весе велетнесэ комсомольской комитетнэнь эрви теэмс эрва кодамо ремеслань тонавтемань кружокт. Кружоктнень ветамо таргамс сыре, опытной мастерт, конатнеде весе велетнесэ аволь аламо.

Комсомольской комитетнэнь ды ВЛКСМ-нь райкомтнень эрви теэмс сень, штобу кружоктнесэ улевельть инструмент, материал, литература. Эрви, штобу васень читнестэ сазэз кружоктнесэ тонавтемась улевель скулмазь практической роботанть—общественной постройкань строямонть марто.

Велень комсомолецт, тонавтнеде ремеслас, уледе бережливой ды трудонь вечкиця азорокс, заботядо коллективной эсь хозяйствань весе отраслатнень кастоманть-кепедеманть кис!

«Комсомольская правда» газетань июнень 10-це чинь номернень икельце статьясто.

Вишка фельетон

ПУРЕНЬ ВЕЧКИЦЯТ

Косогор веленть тынсь содасынк. Сон а васало—Березникень районсо. Ну, вот, те велесэнт, начит, ули колхоз «Большевик». Колхозось истяк сюнав: зярны сюрзо, скотинанзо, улит мик мешкензьяк. Народоськак тосо а берянь: дошуж, бойка, роботы кедень млиштязь. Тень кувалт, начит, колхозось канды паро слава. Но аволь ансяк тень кувалт.

Колхозонь председателесь Пьянзин лек обидяволь бу лангозонок, бути аволинек лэцтя сонзэ лементь. Лэцтя-сынек эно, кода жо вакса ютамс сонзэ, кода мерить, руководящей тевензэ.

Сайсынек хоть колхозонь нешке пиренть. Сонзэ эйсэ ансяк кемнилее нешке. Яла теке, Пьянзин ялганть паро руководстванзо коряс мекшне роботасть по-стахановски, кемсть, што колхозонь предесь теле лангс аноксты тенст паро оймсема. Учость мекшне эськаст, но...

Пьянзин ялгась тердизе пчеловодонть ды мерсь:

— Мекштнень ладост кодат?

— Истяк, ничово, бызныть яла.

— Бызныть, мерят, а тон сынст пизэст чистить?

— Енне эзинь. Буто сон а эривияк...

— Кода а эривия, теле лангс обязательна эривия!

— Пчеловодось чарькодсь, ков менди предесь,—сонензэ эривсь медь. Но седеенъ а кирдемадо кевкстизе:

— Чистямодонть мейле мекшне чай а опить?

— Эх, тон, мекшень паз! Косо седе паро эрямось, урядна кудосо илч рудазовсо?

— Те виде...—а смелстэ мерсь пчеловодось,—ды кабу сын тень... Мейле тень кисэ...

Кода эзь пельть «мекшень пазось», яла теке нешкнень «чистинзе» седейшжава ды саезь медтенть тейсь пуре. Кинь симдямс те пуреденть? Нама, ике-леяк наставникенть—колхозонь предельтэ, а мейле уш правления члентэньгак. Пурсь, бульчом, ульнесь тан-

тей, кеме, тусь весемень мельс. Кече-кавто симемадо мейле, симицятнень кельтне «юксевсть», кона кармась прынь пшамо, кона морамо...

Те каванямодонть мейле пурсь предельтэ мельстэ уш эзь тукшно. Кода телень куншкава сон получасть мекшнень андомс сахарной песок, седеезэ эзь кирде ды теевтсть таго пуре...

Вана ютась якшамо телесь. Чись кармась эждамо седе вневствэ. Веств Пьянзин тердизе таго пчеловодонзо ды мери:

— Ну, кода, мекшнень ваннись? Курок ведь эривить сынст усомс нешке пирев!

— Ванномс эзинь ванно, ансяк кунсолынь, живть, аволь. Ды тень... мекс бути а бызныть...

— А бызныть... сын тельня ведь удуть, секс а марявиськак. Тон панжить нешкнень ды штюпить, сестэ чарькодят!

Пчеловодось истя тейськак, кармась штюпамо нешкензэ. Панжизе вейкенть—чаво: а медь, а мекшт, панжизе омбоцэнт—весе мекшне пeverезь киякса. «Опасть весе мекшне, опасть. Мон уш икелев содын»—арси сон тандадоманть пачк. Истя сон штюпинзе весе нешкензэ ды мусь юткост ансяк сисем жив семият. Черензэ пчеловодонть стясть чечинакс, сон чийсь председателентень ды ёвтни:

— Кулсесть ведь, пелест... Месть ней тейнемс? Ды кадовикснэяк цютъ живть...

— Месть тон бредят? Кие кулось?!

— Мекшне...

— Эх, тон, те сын таймаскадсть!.. Карвось, несак, телень перть ашти прок кулось, а тунда вельми ды туйливтнеме. Мекшнеяк истя, сын брат, сисем оймсэть!

Но мекшне эзть вельма. Телень перть, бульчом, ашесть вачодо ды кулсесть. Тень кисэ колхозонь прятнэ симсть пуредэ. Вечкить сын пуренть, а месть кортамскак. Ансяк кие жо карми отвечамо кулось мекшнень кисэ?

В. Радин.

Отличниктнень мелест

Тундонь испытаниятне невтизь Парпинской неполной средней школань тонавтницятнень сэрей знанияст. Сехте вадрясто испытаниятнень максызь выпускниктне. Примеркс, Михеев Борис, Ковайкин Петр, Кузьмина Груша ды Кузьмина Поля весе предметнень коряс получасть отличной отметкат. Неть тонавтницятне содасть, што отличной знаниятнень марто седе шожда ули понгомс средней школав ды лия учебной заведений. Секс самая испытаниятнень сын кармась анокстамо еще тонавтнема иень нилеце четвертень ушодомосто.

Ней Михеев Борис тонавтницясь кучсь заявления Харьковской авиационной школав. Сонзэ мелезэ—улемс авиационной техникекс. Петр Ковайкин туи тонавтнема Зубово-Полянской педагогической училищав, Поля ды Груша Кузьминатне кармать прядомо средней школа.

Ламо выпускникть сайсть мель получае специальность ФЗО-нь школатнесэ.

В. Челматкин.

Ковылкинской р-н.

Клубось лиякстомсь

Совилить икеле Майдан велень «Сятко» колхозонь клубонтень ды неявиль сон кадозь кудокс. Стенатне раужот, вальматне каргоцть, кияксось рудазов, неявилить нюргемадо шанжавонь кошт, скамикатнень ды столенть лангсо пуль. Робота клубонтень кодамояк арасель. Ловномс а мезе ульнесь, книгат, газетат, журналт арасельть.

Лиякстомсь клубось ней. Сон а содавиксэкс теевсь. Заведующеесь В. Учайкин ялгась цутсь ламо вий сенень, штобу клубонтень тееме эривикс порядок, культура. Югавтозь покш уборка, седе сеетсьтэ шлякшныть ней кияксонтень, нардтнекшнить вальматнень. Стенатнес появаст портретт, плакатт.

Колхозниктне, од ломатне покш мельсэ яксить ютко шкастост клубов. Ловнокшныть книгат, газетат, кунсолоскшныть беседат.

И. Юртайкин.

Кочкуровской р-н.

Ловнома нудось а роботы

А ветить кодамояк культурно-воспитательной работа Ст.-Шайговань ловнома кудосонть. Избачось Шестаков ялгась ламо ковань перть а панжтн ловнома кудонт. А ведь тесе улит весе условиятне культурной роботанть вадрясто аравтоманзо кис.

Тарадаев.

Ст.-Шайговской р-н.

Сех вадря результатт невтсть комсомолецтнэ ды пионертиз

Организованнойста ютасть тундонь проверочной испытаниятне Рыбинской средней школасо.

Испытаниятнесэ сех вадря показателть невтсть комсомолецтнэ ды пионертиз: В. Дурнов, Н. Ушаков, Т. Аюшев, Я. Дурнов, Н. Евдокимова, В. Уланова, А. Гришаква ды лият, конат весе предметнень максызь отличнасто.

С. Метляков.



Ромодановской райононь Куриловской средней школань 7-де «А» классонь тонавтницясь-отличникесь М. Фадеев пионерэсь вети шэфства «Якстере сокиця» колхозонть алаша лангсо.

СНИМБАСОНТЬ: М. Фадеев эсензэ подшефной «Ларчик» алашанть марто. Фотось А. Кочинэнь.

Антирелигиозной беседа

Мейсэ ашти религиянтъ зыянозо

Наукась ломанентень максы виде чарькодемат мирдэнтъ ды природань законтнеде. Знаниясо вооруженной ломанесь трудовой деятельностинь процессэнт одкс теи природанть. Наукась ломатнень вооружает общественной эрямонть одкс тееме, эксплуатациянтъ ды угнетениянт маштоманть. Минек масторонь трудиятне, наукант тонавтнезь, Ленинэнь—Сталинэнь партианть руководстванзо коряс строить коммунизма.

Религиясь педепев ашти враждебнойке наукантень. Сон ломаненть кармавты сокорсто кемеме пазнэнь, поптненень, пазонтъ кувалт эрва кодат кенгеламотненень. Пазнэнь озныця ломанентень религиясь максы аволь виде представления природанть ды масторонть лангсо весе эрямодонть, ломатнень ютксо отношениятнеде. Религиозной книгатне а видестэ, антинаучно толковить вселеннойденть, моданть лангсо эрямодонть, ломаненть появамо. Религиясь корты, што ули буто мастор лангсо эрямодонть башка сверхестественной мир: паз, шайтант, рай, ад, тоначисэ эрямо ды лият. Весе, мезе моли моданть лангсо, корты религиясь, зависит пазонтъ «мелензэ эйстэ». Мо-

данть, весе природанть, эрямонть, животнойтнень ды растениятнень буто теинзе пазось. Ломанентькак буто пазось нолдызе масторонть лангс. Весе те—ёвкст, кенгелямо.

Седе тов религиясь маньчи, кармавты кемеме, што ломаненть сех покш, алкуксонь унясказо (часиязо) аволь тесэ, масторонть лангсо эрямосонть, но тоначисэ, райсэ, менельсэ, што масторонть лангсо эрямось ашти ансяк нурька шкакс сенень, штобу куломодо мейле понгомс пингедэ пингес райсэ эрямо. Штобу куломодо мейле понгомс тоначисэ пингедэ пингень паро эрямос, ломатне, кода тонавты религиясь, должны апак пеняця, цидярдозь, коронь кирдизь пиштемс, майсемс, эрямс нужасо ды горясо масторонть лангсо, улемс сэтмекс, вечкемс эсь вратнень, а бороцямс сынст каршо. Вана мезес трудиятнень тонавты религиозной «нравственностесь».

Трудиятнень сознанияст чополгавтозь, эсь дурмансонть религиясь пазнэнь озныця робочейтнень ды крестьянтнень теи коронь кирдия, кунцолыця, цидярдия урекс. Весе тень эйсэ религиясь лездась икелень Россияськак ды нейгак лездэ лия мастортнэсэ

эксплуататортнэнь.

Религиясь ашти эксплуататортнэнь недёсэ покш арудиякс, конань вельде сын кирдит эсь господстваст, потить трудиятнень верест. Религиянт вельде сын трудиятнень тулкадит буржуазной обществанть каршо бороцямонь кинть лангсо. Пазнэнь озныця трудиятне революционной бороцямонть ловить а эривикс тевекс, сехте покш грехекс. Сын кемить сень лангс, што бути беряньстэ эрить масторонть лангсо, сестэ парсте кармать эрямо тоначисэ, понгить райс.

Религиясь кирвасти национальной розни, тейни вражда эрва кодамо нациянь, лия вероисповедованиянь ломатнень ютксо, вейке народонть кармавты омбоцэнь а вечкеме.

Пазнэнь озныцятнень религиясь тонавты кемеме эрва кодамо предрасудкас, суеверияс. Те кемемась тейни ломанентень покш зыян. Пазнэнь озныцясь, примеркс, ливи, што орматне—те наказания, конатнень кучинзе пазось. Секс, келя, бути ломанесь ормалгады, сонензэ эривия озномс пазонтень, вешемс «милость», тердемс поили орожи. Пазнэнь озныця крестьянтнэ кемить, што сюронь чачомась или а чачомась—пазонь тев. Кучи пазось эсь шкасто пиземеть, максы маней, лембе чить, сестэ сюрояк вадрячачи. Режиявты сон ломатнень лангс, канды тест грехтнень кис а паро шка,

сюрояк а чачи. Секс сень таркас, штобу наукань достижениятнень ды агротехникант коряс бороцямс природань стихиятнень каршо, покш урожаень кис,—тень таркас сын кемить пазонтень, озныть сонензэ.

Религиозной койтне (лемдямось, причастиямось, христосовамось, крестонь ды пазавань палцемась) ломатнень ютксо нолдтнить педия ормат. Религиозной обычайтне, праздниктне тейнить материальной покш зыян минек социалистической хозяйстванть. Церкував якамось, религиозной праздниктнень праздновакшномась ломатнень сеетсьтэ кармавтнить а лиснемс роботас (сех пек велесэ, колхозсо). Тедебашка религиозной праздниктень читнестэ, винадо симкшнеманть кувалт, эрсильть ды нейгак эрсить ломатнень ютксо тюремат, увечият, пожарт ды лият.

Эрва кодамо религиясь, религиозной кенгелематне тейнить ансяк зыян трудиятнень. Религиясь враждебнойке ашти социализманть.

Коммунистической партияс ловсь ды ливи антирелигиозной пропаганданть эсь важной задачке. Религиозной дурманонть каршо бороцямось—од ломанень кис бороцямось, наукасонть ды техникасонть овладениянь кис, културань касоманть, коммунизманть кис бороцямось.

Г. Вишняков, СВБ-нь республиканской советэнь лектор.

Европасо, Африкасо ды Азиясо войнась

(Июнень 11-це чистэ военной действиятнень дневник)

Англиянт вельксэ германской авиациянт действиянзо характерэс ульнесь ограниченной. Кода пачти германской сводкась, ульнесь бомбардировать Бристольской заливент северной пельксэнт портовой сооружениатне. Теке жо заливэнт Шотландиян восточной побережиянт маласо германской самолетнэ ваявсть кавто английской пароходт. 5 лия суднат колаз.

Английской самолетнэ, пачти Рейтер агентствас, ёртнесь покш калибрань бомбат Брестэнь доктнень ды пароходонь аштема таркатнень ланге (Франция). Брест портсонть аштить кавто германской линкорт ды вейке крейсер. Ловить, што те крейсера «Принц Евгений», кона аволь умок участвовас сражениасо «Бисмарк» германской линкоронть марто вейсэ, конань мейле ваявтыз английской кораблянт.

Средиземной морянь бассейнасонть тешкстневи английской авиациянт валетонзо Родос итальянской островонь военной объектиань ланге.

Северной Африкасо, кода теде икелень читнестяк, Тобруконть маласо английской позициянтнень ланге ульнесь артиллерийской леднема ды воздухото бомбардировка. Египетсэ германской самолетнэ атаконь Мероа-Матрух портовой ошонть. Английской авиацияс отвечас Триполи гаваненть (Ливия) ды Дерисэ аэродромонть бомбардировкасост.

Рузвельт кемекстызе США-нь портнэс аштиця иностранной суднатнень реквизиравомодо законопроектэнт

Рузвельт кемекстызе законопроектэнт, кона максит президентэнт права реквизиравоме, рамсемс ды свелемс иностранной торговой суднатнень, конат аштить США-нь портнэс, Филиппинтнэс ды Панамской каналонь зонасонть. Рузвельт сеске жо мерс правительственной морской комиссиянтнень ушодомс те законот теве ютавтоманзо. Ассошиэтед Пресс агентстванть сообщениазо коряс, те законот действиянзо алов понгонить малав 80 иностранной торговой судна, тень ютксо 35 датской, 25 итальянской, 14 французской, 2 германской ды лият. Французской суднатнень ютксо ашти сехте покш трансатлантической пассажирской пароходос «Нормандия».

(ТАСС).

Абиссиниясо сехте пек виев бойть молит Галла-Сидаме областэнт, ко-со, английской сводкатнень коряс, англичантнэ сайст од территория 45 тыща квадратной миля.

Сириясо, американской корреспонденциань сведенияст коряс, английской войскант, конат ветить наступления юг ёндо, пачколит столичной ошонть Дамасконть малас. Французнэ тейнить виев сопротивления противникентнень. Английской войскант, конат молит Иракто, пачкодсть Турецкой границанть ды аравтсть контроль чугункань кинь участкань лангсо, кона Сириян территориянт троке сюлма Ираконт марто Турциянт. Иракто Евфрат леень долинанть кувалт моли англичантнэ частична моторизованной од колонна.

Сирийской побережиянт маласо тевес морской бой английской ды французской военной кораблянтнень ютксо. Кавто английской эсминцеиэ колаз.

Рейтер агентствас пачти, што северной Африкасо Сирияв саст французской самолетонь зярыя эскадрилия. Англичантнэ воздушной вийтнэ тейст нападения сирийской аэродромнень ланге.

Германской авиацияс бомбардировизе Хайфын нефтехранилищанть ды портовой сооружениатнень (английской владениян—Палестинань порт, кона ашти Сириянт марто границанть вакссо).

(ТАСС).

МЕКС ПОЗДАЯСЬ КИЗЭСЬ?

Уш июнь, но те шкас кадовсть якшамо чить ды малав эрва чистэ эрсит пиземеть. Мейсэ жо те толковати?

Погодасэ зависит сень эйстэ, кона ёндо те райононтнень сы коштось. Бути сы север ёндо,—морясто, кона иень перть эрси вельтяз эйсэ,—сон кандь кельме ды потмура погода. Бути коштось сы запад ёндо,—лембе Атлантической океансто,—погодасэ эрси седе лембе, коть аволь чуросто кармитв улеме пиземеть. Бути коштось сы юговостоксто,—Казахстанской стептнестэ,—сыть коське, пси ды лиясто душной чить.

Союзонь европейской пельксэнт воздушной массатне молит западсто востоконь. Ютасэ тельва центральной районнтнень территориянт ланге икелень телетнень коряс сеетсэ кандовсь кельме воздух северстэ, Ледовитой океансто. Северстэ кельме воздухонь модемась кадовсь тундак. Самай секс тундосэ ульнесь истямо позда ды якшамо.

Якшамо тундот ульнесь икелек. Примеркс, 1916 иень июнень 1-це чистэ температурасэ веть алканьгалес —2,3 градус, 1899 иестэ мик июнень 12-це чистэ температурасэ пачколось 1,8 градуст якшамос.

Апак вано якшамонть ланге, те иень тундосэ ульнесь вадря озимой видеитнень туртов Союзонь весе европейской территориянт лангсо. Те секс, што ульнесь ламо пиземеть.

В. Курганская,

Погодань центральной институтонь синоптик. («Пионерской правдасо»).

ПРИМАВИ ПОДПИСНА „ЛЕНИНЭНЬ КИЯВА“

газетанть лангс 1941 иеньт
прядовомас

ГАЗЕТАНТЬ ПИТНЕЗЭ

Вейке ковс—1 целковой 20 тр.
Колмо ковс—3 целковой 60 тр.
Кото ковс—7 целковой 20 тр.

Подпискасэ примави Союзпечатень районной весе отделениянтнэсэ, письмоносцетнэнь вельде ды республиканской Союзпечатьсэяк.

КИНО

Тайгасто цёра

Васоло Советской Сибирень тайга. Сыре пингень чопода виренть куншасо неяви ресторан, конань потмозо валозь сельмень конявтыця валдосо.

Ютыть кавто шумбра, коренастой цёрат. Кист ветить рестораноны ёнов. Неть ульнесь тетят-цёрат. Вейкесэ сынет эйстэ золотань вешница старателень артеленть председатель Федор Потанин, омбоцесэ—сонзэ жо артелень работникесэ—цёразо Степан. Мольт дружна, эсть сода мезе учи сынет эйсэ икелень эрямосонть.

Ресторансонть тайгань келес содавикс Федор Потанин лангс весе явсть мест. Штобу невтемс эсензэ эрямонть, андомс-симдямс ялгатнень, Потанин вешсь кандомс весе блюдатнень, конат ульнесь менюсонть. Цёразо Степан эрси кирдемс тетянзэ истямо тевстэнт. Сон ёвты, што ярмактнень весе ютавтынзе присевень оборудованиань рамамос. Тетянт покордавсь мелеза, што цёразо ютавтынзе ярмактнень сонзэ апак кевксте. Столент эхксэ лиссь спор. Кезень пачк тетясэ сергедсь:

— Киска левксек!

Вастовсть тайгань природань кавто буйной прят, характерт. Цёрасэ ульнесь тетядонзо а седе лавшо воля марто.

— Кайсить!—сергедсь тетясэ.

Степан кайнзе лангстонзо ниле жилкатнень, тетянзэ мереманть коряс кайнзе кемтненьгак ды панарсо, кепе лиссь ды тусь чопода тайгаванть.

Знакомый тайгаванть, эсензэ видестэ тееманть лангс кемезь, Степан прянь апак нолда яки сядо иень чувтнэ юткова. Омбоце чистэ чокшне малав пачкодсь государственной механизированной покш золотоприискес.

Эсь тевень вечкиця од цёранть мелестусть тесэнь шахтатнень сложной техникась. Шахтань инженерэнт од тейтерьянт Галина Полеваян мереманть коряс Степан согласи модемс шахтасэ забойщикес.

Ушодовсь од эрямо, вечкевсь тензэ работасэ, вечкевсь превей, смелой, мазы тейтересэ—инженеркась Галина Полевая. Эрямонь кись муевсь Степанянт. Шахтасо роботазь, роботань вечкиця Степан вастови нузякстояк нузяксонть, прогульщикент Васька Щербак марто, конасэ эзь вечке Степанонь ударной роботанть кис, ды учось ансяк шка, кода бу пандомс тень кис кезь.

Роботань васень читнестэ тевесэ авария: казалома кармасэ шахтасэ. Степанянт койкак ялганзо оргодемадо мейле удалы лоткавтомс катастрофанть.

Те сценась картинасонть пек удалась. Сон выразительностэ невити роботанть Степанонь преданностензэ, опасностень каршо боропаймонь волянзо.

Курок Степандо кармасэ содомо весе тайгасэ. Сон свал топавты норманзо 5.000 процентс. Сибирской газетатне, срасть тайганть келес од цёранть стахановской опытанзэ, тевензэ.

Дружной обстановкасэ Степан од квартирасо тейсь новосельят. Се шкастоить, зярдо Галина ды Степан ютксо моли вейкест-вейкест вечкемадо кортамось, кудонтень апак учне ваксозост совь Степанонь вечкиця тайгасто тейтересэ—Нюра. Лиссь стака переживаниян личной конфликт. Стака положенияс повгест колмо истят своеобразной натурат—Степан, Галина, Нюра. Те сценась сави шнамс, сонзэ артистичэс Переверзев (Степан), Казанская (Галина), Занковская (Нюра) налксыз кода эряви.

Кортить: славась коть кинь сельть сявадсты. Вана Степанянтэ золотамарто сы тетязо, терди эйсэнзэ мекев, максы золотам, Степан мери максомс золотанть государствас. Но тетясэ мери ансяк теи иля ёвта, сайк золотанть, минь яла теке максынек. Степан максэс вал тетянстэнь а ёвтамс зярс. Золотанть максомсто неинзэ сынет Нюра ды теде ёвты прогульщикентнень, нузяксонть Щербакнень. Ды Щербак, штобу пандомс кезь, робочеевсь собраниасо, зярдо Степан кармасэ трибуна

лангсо кортамо, сергедсь тензэ:

— Евтник, кода шахтасо салат золотанть!

Те чумондомась, вачкодкесэ Степан туртов ульнесь страшна виев. Сон кандызе шахтайт, славанзо, рекордонзо, Галинань, туй таго тайгав. Мартонзо Нюрак. Галина инженерасэ анализтейсь Степань золотанть ды видестэ мерсэ, што те аволь минек шахтань золотасэ, но старателень.

Галина вечксь, лепчесь Степань, Степа жо—Галинань. Нюра неи, што Степань оймесэ сонензэ кельме, ёвты тензэ весе эсензэ чумочидензэ.

Но вана весть, косо роботае артелензэ марто Степан, сы изыскательной группа, юткост Галина Полевая. Тейть од шахта ды Галина Степа марто уставить вейсэ роботамо, эрямо. Вечкемась изнясь кенгелеманть, ложной позоронть лангсо.

Картинант весе модеманзо перть ровна, типична налкис Федор Потанинэнь ролент РСФСР-нь народной артистэс Гардин ялгасэ. Режиссертиэ Преображенская ды Правов ялгатне мусть весе сценатнень туртов истят вадря краскат, движения, конат эрителенть, вейсэ фильмань геройтне марто, кармавтыть переживать.

В. Столбов.

Отв. редакторосэ А. ШЕГЛОВ.